

2022ko IKASKUNTZA ETA ZERBITZUKO PROIEKTUEN LEHIAKETA

Iruñeko Udalak 2022ko IKASKUNTZA ETA ZERBITZUKO PROIEKTUEN LEHIAKETArako deia egin du, norgehiagokako araubidean, Iruñeko Udalaren Dirulaguntzei buruzko Ordenantza Orokorrak (2006ko 21. Nafarroako Aldizkari Ofizialean argitaratua, otsailaren 17koan) xedatzen duenarekin bat.

1.-XEDEA.-

2022ko IKASKUNTZA ETA ZERBITZUKO PROIEKTUEN LEHIAKETA: Lehiaketa honen xedea da ikaskuntza-zerbitzuko hezkuntza-proiektuak sortu eta abiaraztea Iruñeko ikastetxe publiko eta itunduetan eta irabazi-asmorik gabeko entitateetan, etapa bakoitzeko curriculumean oinarritutako ikaskuntza prozesuak eta ikasleek tokiko komunitateari zerbitzua ematekoak uztartzen dituen metodologia didaktiko gisa.

Hartara, Iruñeko Udalak ikusarazi nahi du ikastetxeen eta gizarte entitateetan gizalegezko konpromiso solidarioa, bai eta komunitateko eragile guztien gizarte-kohesioa eta parte-hartzea indartu ere, tokiko bizi-baldintzak hobetze aldera.

2.- SARI-MODALITATEAK.-

Honako sari-modalitate hauek ezarri dira:

1. MODALITATEA: Haur eta Lehen Hezkuntzako ikastetxeetako proiektuak.
2. MODALITATEA: DBH eta Batxilergoko ikastetxeetako proiektuak.
3. MODALITATEA: Lanbide Heziketako eta arte irakaskuntza arautuetako ikastetxeetako proiektuak.
4. MODALITATEA: Nortasun juridikoa duten irabazi-asmorik gabeko Entitate edo Elkarteen proiektuetarako, baldin eta entitate edo elkarte horiek beren helburuen artean badute hezkuntza izaerako proiektuak egitea eta hori estatutuetan jasota badute.

3.- DIRU-ZUZKIDURA.-

Deialdi honi, gehienez ere, 10.000 euro esleituko zaizkio sarietarako, Udalaren Aurrekontuko honako partida honen kargura:

80/32630/450000

80/32630/482090

Sari hauek ezarri dira modalitate bakoitzerako, 2. klausulan adierazitakoaren arabera:

Lehen saria: 1.500,00 euro

Bigarren saria: 1.000,00 euro

Sariaren zenbatekoa saritutako proiektua gauzatzeko erabili beharko da, eta proiektuaren egile diren ikastetxe edo entitateek hura aurkezteko konpromisoa hartuko dute 2022-2023ko ikasturtea amaitu baino lehen, edo ezinezkoa balitz, lan-prozesua eta erdietsitakoa azaltzeko azalpen-memoria bat aurkeztekoa.

Saria ematearekin batera, Iruñeko Udalak egilearengandik eskuratuko ditu, berarendako bakarrik eta mundu mailan, saritutako lan bakoitzari dagozkion jabetza intelektualeko eskubide ekonomiko guztiak; orobat, lan horiek erreproduzitu, banatu, jendaurrean paratu eta eraldatu ahalko ditu, libreki eta ezer gehiago ordaindu gabe, Jabetza Intelektualari buruzko Legearen Testu Bateratuaren 26. artikulua

ezarritako epearen barruan. Eskubidea izanen du, baita ere, lana gaur ezaguna den edo geroan asma daitekeen beste edozein bitarteko edo euskarri ukigarri edo ezin ukituzkotan aurkezteko. Horrek barne hartzen ditu ustiatzeko modalitateak oro, hau da, lana edozein euskarri edo formatutan erreproduzitzekoa, eta horien artean, bereziki, liburu batean edo euskarri digital edo zenbakizkoan edizioa egitekoa, zein lana banatzeko eta jendaurrean paratzeko eskubideak, mundu osoko merkatuan ustiatzeari begira. Eskubide horien artean, berariaz daude sarturik hala lanak online igorri eta zabaltzea nola sare digital elkarreragileetan eskura jartzea.

Edonola ere, proiektuaren jabe gisara, Iruñeko Udalak saritutako proiektuak erregistratzen ahalko ditu Creative Commons-en Aitortu – Ez komertziala (by-nc) lizentziapean, zeinaren bitartez lan eratorriak sortzeko baimena ematen baita, baldin eta merkataritzarako erabiltzen ez bada. Jatorrizko lana ere ezin da merkataritza-helburuetarako erabili”.

4.- HAUTAGAIEN BETEKIZUNAK.-

Lehiaketan honako hauek parte hartzen ahalko dute

- Haur Hezkuntza, Lehen Hezkuntza, DBH, Batxilergo, Lanbide Heziketako eta arte irakaskuntza arautuetako Iruñeko ikastetxe publiko eta itunduek.

- Nortasun juridikoa duten irabazi-asmorik gabeko entitate edo elkarteek, baldin eta beren helburuen artean badute hezkuntza izaerako proiektuak egitea.

Proiektuek jatorrizkoak izan beharko dute, eta 2022-2023ko ikasturtean abiarazteko sortuak eta diseinatuak, ikaskuntza-zerbitzuko metodologiarekin bat. Gaztelaniaz zein euskaraz aurkezten ahalko dira.

Parte hartzen duen ikastetxe, entitate edo elkarte bakoitzak ikaskuntza-zerbitzuko proiektu bakarra aurkezten ahalko du hezkuntza-etapa bakoitzeko (Haur eta Lehen Hezkuntza, DBH eta Batxilergoa), salbu eta Lanbide Heziketako zentroak, prestakuntza-ziklo presentzial bakoitzeko proiektu bat aurkezten ahalko baitute.

IKASKUNTZA-ZERBITZUKO proiektuak aurkezten dituzten entitate edo elkarteek egiaztatu beharko dute GUTXIENEZ ikastetxe baten parte-hartzea aurkeztutako proiektuan, ikastetxeak parte-hartze hori onartzen duela esaten duen agiri baten bidez.

Iruñeko Udalaren Dirulaguntzei buruzko Ordenantza Orokorraren 10. artikuluan xedatutakoarekin bat, laguntza hauen izaera berezia dela-eta onuradunei aplikagarri zaizkie arau horretan ezarritako debekuak:
 BAI EZ

5.- ESKABIDEAREKIN BATERA AURKEZTU BEHAR DIREN AGIRIAK, zein epetan eta non.-

PROIEKTUAK IRUÑEKO UDALAREN ESKABIDE OFIZIAL BIDEZ AURKEZTU BEHAR DIRA, ETA HORREKIN BATERA AURKEZTU BEHARKO DA, I. ERANSKIN GISARA ATXIKITA DOAN IZENA EMATEKO FORMULARIOA.

IKASKUNTZA ETA ZERBITZUKO PROIEKTUAK BAT ETORRI BEHARKO DU I. ERANSKINEAN JASOTAKO ORIENTABIDEEKIN ETA FORMATU METODOLOGIKOAREKIN.

EZ DIRA LEHIAKETARA ONARTUKO ATXIKITAKO I. ERANSKINAREKIN BAT AURKEZTEN EZ DIREN PARTE HARTZEKO ESKAERAK, ADIERAZITAKO LUZERA GAINDITZEN DUTENAK EDO IZENA EMATEKO FORMULARIOAN ESKATUTAKO ELEMENTUREN BAT GARATZEN EZ DUTENAK.

LEHIAKETARA AURKEZTEN DIREN IRABAZI-ASMORIK GABEKO ENTITATE ETA ELKARTEEK HONAKO AGIRI HAUEK AURKEZTU BEHARKO DITUZTE:

A) ESKATZAILEAREN NORTASUN JURIDIKOA EGIAZTATZEN DUTEN AGIRIAK, ETA, HALAKORIK BALITZ, HAREN IZENEAN ARI DEN ORDEZKARIAREN NORTASUNA EGIAZTATZEKOAK. HONAKO HAUEK FROGATZEN DITUZTEN EGIAZTAGIRIAK: ENTITATEA LEGEEKIN BAT ERATURIK DAGOELA, ENTITATEAREN EGOITZA ETA ZERGETARAKO HELBIDEA EGIAZTATZEN DUTENAK, ETA ESKAERA AURKEZTEN DEN DATAN ENTITATEA LEGEEKIN BAT ERATURIK DAGOELA. HELBURUAK ERE JASO BEHARKO DIRA, ESTATUTUEKIN BAT.

EZ DA BEHARREZKOIA IZANEN HEMEN ZEHAZTUTAKO AGIRIAK AURKEZTEA BALDIN ETA IRUÑEKO UDALAREN EDO BESTE ADMINISTRAZIO PUBLIKO BATEN ESKUETAN BADAUDE, BETIERE ESKATZAILEA EZ BADA IRUÑEKO UDALAK AGIRIAK OFIZIOZ ESKATZEAREN AURKA AGERTU.

B) ERANTZUKIZUNPEKO ADIERAZPENA, DEIALDI HONEN II. ERANSKINA EREDU HARTUTA, ZIURTATZEKO ESKATZAILEAK BETE EGITEN DITUELA ONURADUN IZATEKO DIRULAGUNTZEI BURUZKO ORDENANTZA OROKORRAK ESKATZEN DITUEN BETEKIZUN OROKORRAK ZEIN DEIALDI HONEK ESKATZEN DITUEN BERARIAZKOAK, ETA EZEIN DEBEKU-ZIOK EZ DUELA UKITZEN, DIRULAGUNTZEI BURUZKO ORDENANTZA OROKORRAREN 10. ARTIKULUAN AIPATZEN DIRENEN ARTEAN.

UDALAK, ADMINISTRAZIO PUBLIKOEN ADMINISTRAZIO PROZEDURA ERKIDEAREN URRIAREN 1EKO 39/2015 LEGEAREN 28.2 ARTIKULUAREKIN BAT, OFIZIOZ EGIAZTATUKO DU INTERESDUNAK EGUNEAN DITUELA ADMINISTRAZIO ESKUDUNAREKIKO BETEBEHAR HORIEK, ETA EGIAZTAPEN HORI DAGOKION EGINBIDEAN JASOKO DU, BETIERE SARIA EMATEKO EBAZPEN-PROPOSAMENA EGIN BAINO LEHEN. SALBUESPENEZ, ETA IRUÑEKO UDALAK EZIN IZANEN BALITU AGIRIOK ESKURATU, INTERESDUNARI ESKATZEN AHALKO ZAI O AURKEZ DITZALA.

INTERESDUNA UDALAK EGIAZTAPEN HORIEK OFIZIOZ EGITEAREN AURKA AGERTUZ GERO, ADMINISTRAZIO ESKUDUNEK EMANDAKO EGIAZTAGIRIAK AURKEZTU BEHARKO DITU, HAUTAGAITZA AURKEZTEAN EGINDAKO ADIERAZPEN HORRETAN JASOTAKO DATUAK EGIAZKOAK DIRELA ZIURTATZEKO.

C) AURKEZTUTAKO PROIEKTUA GARATZEKO IKASTETXE BATEAN PARTE HARTU IZANAREN EGIAZTAPENA, IKASTETXEKO ZUZENDARIAK SINATUTAKO PARTE-HARTZE KONPROMISOA JASOTZEN DUEN AGIRIAREN BIDEZ.

Lanak helbide honetara bidali behar dira:

Iruñeko Udaleko Erregistro Orokorrera (Kale Nagusia 2, behea - Kondestablearen jauregia), erregistro osagarrietara, edo telematikoki, Iruñeko Udalaren egoitza elektronikora (www.pamplona.es).

Halaber, beste edozein bide erabiltzen ahalko da, Administrazio Publikoen Administrazio Prozedura Erkideari buruzko urriaren 1eko 39/2015 Legearen 16.4 artikulua aurreikusten dituenen artean.

Lanak aurkezteko epea deialdi honen laburpena Nafarroako Aldizkari Ofizialean argitaratzen den unetik aurrera hasiko da, eta 2022ko azaroaren 11n amaituko.

Saririk jasotzen ez duten lanak Udalaren bulegoetan berreskuratzen ahalko dira, ebazpena argitaratu eta bi hilabeteko epean. Epe hori igarota, Udalak suntsitzen ahalko ditu jaso ez diren lanak, betiere ebazpenaren kontrako errekurtsorik aurkeztu ez bada.

6.- EPAIMAHAI A.-

Epaimahaia Iruñeko Udalak izendatuko du, eta honako hauek osatuko dute:

- Epaimahaiburua: Hezkuntza, Herritarren Partaidetza eta Gazteriako zinegotzi ordezkaria, edo horrek eskuordetutako pertsona.
- Epaimahaikideak: Hezkuntza, Herritarren Partaidetza eta Gazteriako Alorreko zuzendaria, edo horrek eskuordetutako pertsona.

Iruñeko Udalak antolatuko duen ikaskuntza-zerbitzuari buruzko prestakuntza-ikastaroa emanen duen pertsona.

Ikaskuntza Zerbitzu Solidarioaren Nafarroako Sareko kide bat, elkarteak berak izendatua.
Iruñeko Udaleko pedagogo bat.

- Idazkaria: Administrari bat, Hezkuntza, Herritarren Partaidetza eta Gazteriako zinegotzi ordezkariak izendatua.

Lehiaketara lan asko aurkezteagatik beharrezkoa balitz, Iruñeko Udalak kide bat edo gehiago gehitu ditzake epaimahaian, betiere metodologia didaktiko horretan adituak.

Epaimahaiak honako irizpide orokorrekin bat baloratuko ditu aurkeztutako proiektuak:

- Lotura curriculumeko ikaskuntzaren eta ematekoa den zerbitzuaren artean.
- Praktikaren tamaina, honako hauek aintzat hartuta: proiektua gauzatzean engaiatutako ikasle-kopurua –ez hartzaile-kopurua–, matrikula-kopuru osoarekin alderatuta, zerbitzuaren hartzaile-kopurua eta proiektuaren iraupena.
- Zerbitzu-proiektuak hirian duen garrantzia eta eragina.
- Sareko lana ikastetxe eta tokiko gizarte-entitateen artean proiektua gauzatzeko.
- Proiektua gauzatzeko duten ikasleen parte-hartze aktiboa prozesuaren fase guztietan zehar: premiak identifikatzea, proiektua diseinatzea, hura gauzatzea eta amaierako ebaluazioa egitea.
- Parte hartuko duten ikasleen artean gogoeta eta pentsamendu kritikoa bultzatzen dituzten ekintzak.
- Gizartean bazterturik gelditzeko arriskuan dauden Iruñeko herritarrei zuzendutako proiektuak.
- Giza eskubideak eta haurren eskubideak babestu eta hedatzeko proiektuak.

Instrukzio-organoak, epaimahaiaren balorazioarekin bat, saria emateko proposamena helaraziko dio organo eskudunari, hau da, Hezkuntza, Herritarren Partaidetza eta Gazteriako Alorreko zinegotzi ordezkariari, horrek sari-ematearen gainean ebatz dezan. Modalitate guztietan, edozein sari eman gabe uzten ahalko da, baldin eta epaimahaiaren iritziz ezin lanek ez badu behar adinako meriturik edo kalitaterik.

Epaimahaiak accesiten bat proposatzeko aukera: BAI EZ

7. DATU PERTSONALEN TRATAMENDUA.-

Iruñeko Udala da arduradun botere publikoekz baliatuz dirulaguntza kudeatzeko eta saria emateko xedez erabiliko diren datu pertsonalez. Ez da daturik lagako legeak hala aginduta izan ezik. Eskubidea duzu datuetan sartzeko, datuak zuzentzeko –zuzenak ez badira– eta horiek ezabatzeko Erregistro Orokorrera (Kale Nagusia 2, 31001, Iruña) edo egoitza elektronikora joaz. Datuen tratamendu-zerrenda eta informazio osagarria www.pamplona.es webgunean kontsultatu ditzakezu.

Sari-banaketaren irudiak Udalaren webgune korporatiboan eta sare sozialetan argitaratzen ahalko dira, eta hainbat komunikabidek zabaltzen ahalko dituzte.

8.- EBATZI ETA JAKINARAZTEKO EPEA.-

Ebatzi eta jakinarazteko epea sei hilabetekoa izanen da, gehienez ere. Epea deialdi honen laburpena Nafarroako Aldizkari Ofizialean argitaratu eta hortik aitzina hasiko da kontatzen.

Instrukzio-organoa dirulaguntza hau kudeatzen duen Alorreko Idazkaritza Teknikoa izanen da.

Sariak emateko ebazpenak amaiera emanen dio administrazio-bideari, eta eskatzaileei jakinaraziko zaie, urriaren 1eko Administrazio Publikoen Administrazio Prozedura Erkidearen 39/2015 Legean aurreikusitakoarekin bat.

Ebazpena argitaratzeko beharra: BAI EZ

Baiezkoa bada, non argitaratu:

Iruñeko Udaleko Egoitza Elektronikoa.

9.- KONTUAN HARTU BEHARREKO BESTE BATZUK.-

Ikaskuntza eta zerbitzuko proiektuak bat etorri beharko du ikaskuntza-zerbitzuko proiektu bat egiteko saio praktikoan azalduko diren jarraibideekin eta formatu metodologikoarekin (urtero eskaintzen den ikastaroan parte hartzen dutenentzat), zeina I. eranskinean erantsi baita, izangai guztientzat.

Behin saritutako proiektuak bete eta gero, horiek egilea den ikastetxe edo entitate/elkarte bakoitzak aurkeztuko ditu 2022-2023ko ikasturtea amaitu baino lehen, edo, horiek publikoki aurkeztea ezinezkoa bada, lan-prozesua eta erdietsitakoa azaltzeko azalpen-memoria bat aurkeztu beharko da, hori egin dela egiaztatzen duen edozein euskarri grafiko zein ikus-entzunezkoren bidez, Udalak ezartzen duen edozein unetan jendaurrean hedatu ahal izateko.

Proiektuen aurkezpenak horiek egin direla egiaztatzeko balioko du.

10.- ERREKURTSOAK.-

Lehiaketan parte hartzeak berekin dakar haien lanekin parte hartzen dutenek oinarriak onartu eta horiei men egitea.

Lehiaketa honen garapenaren eta oinarri hauen interpretazioaren inguruko gatazkak oro organo emaileak ebartziko ditu.

Deialdi honen, oinarri hauen eta horiek betearazteko har daitezkeen administrazio-ebazpenen aurka errekurtsio hauek paratzen ahalko dira, aukeran:

- Berraztertze errekurtsioa, administrazio-egintzaren egile den udal-organoari zuzendua, hilabeteko epean, errekurritzen den egintza jakinarazi edo, bestela, argitara eman eta biharamunetik aitzina.

- Gora jotzeko errekurtsua, Nafarroako Administrazio Auzitegiari zuzendua, hilabeteko epean, errekurritzen den egintza jakinarazi edo argitaratu eta hortik aitzina.
- Administrazioarekiko auzi-errekurtsua, Iruñeko Administrazioarekiko Auzien Epaitegiari zuzendua, bi hilabeteko epean. Epe hori errekurritzen den egintza jakinarazi edo argitaratu eta biharamunetik aitzina kontatuko da.

SARI-DEIALDIA, IKASKUNTZA-ZERBITZUKO PROIEKTUETARAKO, IRUÑEKO IKASTETXE PUBLIKO ETA ITUNDUEI ZEIN GIZARTE ENTITATEEI ZUZENDUA

1. ERANSKINA: FORMULARIOA, 2022EKO DEIALDIAN IZENA EMATEKO

Proiektuaren izenburua	
-------------------------------	--

PRESTAKETA

Ikastetxearen edo elkartearen izena Helbidea Telefonoa e-maila	
---	--

Proiektuaren arduraduna Telefonoa e-maila	
---	--

Irakasle parte-hartzaileak antolatzaileak

Izena eta abizenak	Zein mailatan irakasten du	e-mail

Zein modalitatetara aurkezten den

1. KATEGORIA: Haur eta Lehen Hezkuntzako ikastetxetako proiektuak
2. KATEGORIA: DBH eta Batxillergoko ikastetxetako proiektuak
3. KATEGORIA: Lanbide Heziketako ikastetxeetako proiektuak
4. KATEGORIA: Entitate sozialen proiektuak.

Proiektuaren laburpena (200 hitz gehienez)

--

Proiektua zein ikasmaitan gauzatzen den. Ikasmaita bakoitzean, proiektua gauzatzen duen ikasle-kopurua		
Egiteko aurreikusitako datak		
Erabiliko diren ordutegiak		
Ikasle parte-hartzaileak: kopurua, mailak, ehunekoak matrikula guztien gainean		
Identifikatutako beharra		
Ematen den zerbitzua		
Zein entitaterekin aritzen den lankidetzan eta lortutako akordioa		
Zerbitzuaren esparrua		
Adinekoendako laguntza <input type="checkbox"/> Premia bereziak dituztenendako laguntza <input type="checkbox"/> Eskola-ikaskuntzak hobetzeko laguntza <input type="checkbox"/> Ingurumenaren babesa <input type="checkbox"/> Herritarren partaidetza <input type="checkbox"/> Giza eskubideak / Haurren eskubideak <input type="checkbox"/> Garapenaren aldeko lankidetzak <input type="checkbox"/>	Elkarbizitzaren sustapena <input type="checkbox"/> Osasunaren sustapena <input type="checkbox"/> Arteak <input type="checkbox"/> Kultur ondarea <input type="checkbox"/> Teknologia berriak <input type="checkbox"/> Besteren bat (zehaztu zein):	
Ikasiko diren curriculum-edukiak, konpetentziak, zerbitzuarekin lotura		
Edukiak	konpetentziak	Zerbitzuarekin lotura

Curriculumekoak ez diren beste eduki batzuk: kontzeptualak, prozedurazkoak eta jarrerazkoak		

GAUZATZEA			
LAN-METODOLOGIA prozesuaren deskribapena	Lan-	Antolaketa eta taldekatzeak	Zereginak
Nola identifikatu eta aztertu behar diren beharrak			
Nola lortu behar den informazioa			
Nola diseinatu eta hautatu behar diren irtenbideak			
Nola gauzatu behar den hautatutako irtenbidea			
Nola ikasi behar diren beharrezko gaitasunak eta teknikak			
Prestaketaren ikaskuntzei buruzko hausnarketa kritikoa			

Nola gauzatu behar den proiektua.		
Harremana pertsonekin eta entitateekin		
Egindakoaren ikaskuntzei buruzko hausnarketa kritikoa		
Nola ospatu behar den zerbitzua lortzea		
Difusioa		

EBALUAZIOA			
Nola planifikatuko den EBALUAZIOA	Prozesuaren zein unetan egingen den...		
Prestaketaren ikaskuntzei buruzko hausnarketa kritikokoaren emaitzak			
Egindakoaren ikaskuntzei buruzko hausnarketa kritikokoaren emaitzak			
Irakasle parte-hartzaileen jarduketan ebaluazioa (Ikaskuntza eta Zerbitzuko Proiektuak autoebaluatzeko izenpekoa)			
Entitateekin egindako sarelanaren (egon bada) ebaluazioa			
Deskribatu honako hauek nola egin diren eta horien emaitzak:	Irizpideak	Tresnak	Zein momentutan
Curriculumeko ikaskuntzen ebaluazioa			
“Bestelako” ikaskuntzen ebaluazioa			
Emandako zerbitzuaren emaitzen ebaluazioa			

II. ERANSKINA
-ERANTZUKIZUNPEKO ADIERAZPENA-

Izen-abizenak:

Helbidea (jakinarazpenetarako):

..... NAN: Telefonoa:

Faxa: Helbide elektronikoa:

Nire kabuz edo honako hau ordezkatur (dagokionaren arabera):
.....

Helbidea:

IFZ:

Telefonoa: Faxa: Jakinaren gainean nago
dirulaguntzen deialdia egin dela, norgehiagokako araubidean, xede honetarako:
.....
.....,

ADIERAZPENA:

- Bete egiten ditut onuradun izateko Dirulaguntzei buruzko Ordenantza Orokorrak aipatzen dituen betekizun orokorrak eta Deialdi honetan ezarritako berariazko betekizunak oro.
- Ez nau ukitzen Dirulaguntzei buruzko Ordenantza Orokorraren 10. artikulua onuradun izateko aipatzen dituen debeku-zioetako bakar batek ere.
- Egunean ditut zergei nahiz Gizarte Segurantzari buruzko betebeharrak.
- Konpromisoa hartzen dut eskatutako laguntzaren zenbatekoa erabiliko dudala dirulaguntza emateko oinarritzat hartu diren helburuak eta jarduerak betetzeko.
- Konpromisoa hartzen dut adierazpen honek zehazten dituen inguruabarrak ziurtatzeko, errekerimendua noiz egin eta hortik hamabost eguneko epean, Dirulaguntzei buruzko Ordenantza Orokorraren 15.7 artikuluan ezarritakoarekin bat.

Eta hala jasota gera dadin eta behar diren ondorioetarako, agiri hau egin, eta sinatzen dut,

Iruñean,(e)ko.....aren(e)an.
(Sinadura)

DATUEN BABESA: Iruñeko Udala da arduradun Gizarte Zerbitzuetako, Komunitate Ekintzako eta Kiroleko Alorrak emandako dirulaguntzaren kudeaketa egiteko xedez erabiliko diren datu pertsonalez. Datuak, legeek aginduta, Dirulaguntzen Datu-base Nazionalari baino ez zaizkio jakinaraziko, eta Gardentasunari, informazio publikoa eskuratzeari eta gobernu onari buruzko Foru Legearekin bat argitaratuko dira. Eskubidea duzu datuetan sartzeko, datuak zuzentzeko –zuzenak ez badira– eta horiek ezabatzeko Erregistro Orokorrera (Kale Nagusia 2, 31001, Iruña) edo egoitza elektronikora joaz. Pribatutasun-politikan (www.pamplona.es) kontsultatu ditzakezu tratamendu-zerrenda eta informazio osagarria.